

150
SANCTI
PATRIS NOSTRI

IOHANNIS ARCHIEPISC.
CONSTANTINOPOLITANI

COGNOMENTO CHRYSOSTOMI
HOMILIA IN SERAPHIM.

Achille Statio Lusitano interprete.



BIBLIOTECA VAS
ROMA
VITTORIO EMANUELE

CVM LICENTIA SVPERIORVM.

ROMAE apud heredes Antonij Bladij Impressores
Camerales, M D LXXX.

5,20.F.59.

NOTICE
TO THE PUBLIC

THE
OFFICE OF THE
COMMISSIONER OF
THE LAND OFFICE
HAS THE HONOR TO
ADVISE THAT



IN WITNESS WHEREOF
I HAVE HEREUNTO
SIGNED MY HAND
AND SEAL

PETRO DONATO

S. R. E.

CARDINALI CAESIO

Achilles Statius Sal.




NIL est fere ingrati animi vitio taetrius, contra vero nihil referenda, vel habenda saltem gratia laudabilius, atq. iucundius. Me quidem certe officij genus huiusmodi inprimis ducit, quod id cumq. modo, quandoq. adsequi possum. Quia vero neq. rei nostrae familiaris eae sunt opes, nec ingenij vis ea, quae par sit referendae gratiae, quod vnū relinquitur, habere delector. Neque mihi, quam vt id faciam, accepto beneficio, quidquā est longius. Adfecisti tu me nuper **PETRE DONATE** Cardinalis amplissime, beneficio, tibi quidem ob istius animi magnitudinem, & in largiendo summam voluntatem leui, mihi vero eadem ipsa spectanti vel maximo. Ardebam scilicet incredibili cupiditate grati animi significationem aliquam primo quoq. tempore vti darem. Sed ea me tum requirentem copia defecit. At idem recente beneficij memoria semper incensus, dum quaero tamen vsq. quod & voluptati tibi esse possit, &

A. 2. 4. isti.

isti dignitati conueniat, demum incidi in beati
Iohannis Chrysoſtomi caeleſtem prorsus ora-
tionem. In qua relictis terris ille ſupremi Dei ad
ſolium ſubuolans, noſq. tamquam pinnis inue-
hens ſuis, ipſorū Seraphim choris miſceatq. in-
ſerit. Diuini hominis eloquentiam, ingenium,
ſanctitatem noſti. Vir ſummus, magniq. om-
nino nominis nihil noſtris eget laudibus. Le-
ges, ſat ſcio, libentiffime Chryſoſtomi auream
plane lucubrationem, & quidem libentius hoc
tempore, cum frequentiffimi Chriſtianorum
coetus ſollemnibus ieiunijs perfuncti expurga-
tiq. Euchariftiae caeleſti pabulo reficiendi ad
propoſitorum regias menſas religioſe atque
auidē conuolant. Qua de re multus omnino
hic eius, iſq. moris ac ritus ſuperior. temporum
ſermo pleniffimus. Hunc meum laborem
GREGORIO. XIII. Pontifici max,
non nullius loco muneris impertias velim. Cui
anno ſuperiore Anaſtaſij Synaitae Antioche-
nae ſedis antiſtitis orationem eiufdem prope
generis atque ſententiae miſi. Illi ego ſcriptoris
huius ſtudioſo munus hoc meū ſpero fore gra-
tiſſimū. & eo quidē gratius, quod per te homi-
nem ſibi longe gratiſſimū eiufmodi ad ſe mittā-
tur, ac perferantur munera. Quod reliquum eſt,
quia tu de me benemerendi nullum finem vi-
deris eſſe facturū, equidem conabor iſtā quoq.
ipſe, quo modo poſſum, liberalitatem remune-
rari tuam. Vale. Dat. Romae, x. Kalen. Apr.
MDLXXX.

SANCTI PATRIS
NOSTRI IOHANNIS
ARCHIEPISCOPI

COSTANTINOPOLITANI
COGNOMENTO CHRYSOSTOMI
HOMILIA IN SERAPHIM.



IX aliquando tandem aestuosum Oziae pelagus enauigauimus, vix, inquam, enauigauimus, non tam viae longinquitate, quam cognoscendi vestrum omnium, qui vna vehebamini, studiis retardati. Haud aliter profecto, ac gubernator vectorum exterarum vrbes cupiditate ac visendi studio commotus, diei vnus viam, nec vno tamen conficit die, sed obuium quemq. ad portum nauim adpellens, diutius inmoratur, & quamcumq. ad urbem descendere vectorem facile patitur. Eodem prorsus modo etiam nos nonnullas insulas, non vlla naualia, non portus,

tus, non vrbes deniq. vobis inter nauigan-
 dum monstrauius, sed praestantiū vtiq.
 virorum egregiam virtutem, contraq. la-
 bentium, ac peccantium socordiam, regis
 nimirū inpuidentiam, liberiq. & intre-
 pidi sacerdotis animum. iram Dei videli-
 cet, ac misericordiam. vtrumq. confir-
 mandi nos, & in officio continendi cau-
 sa omnino factum. Quia vero iam regiam
 ad urbem adplicauimus, atq. peruenimus,
 nihil cunctandum, sed iā demum vela col-
 ligamus, & tamquā ad urbem ipsam nauig-
 io egressuri ad supernam, ac caelestem il-
 lā metropolin ascendamus Ierusalem, libe-
 ram illam matrem nostram. vbi Seraphim
 vbi Cherubim, vbi illa angelorum millia.
 vbi deniq. solium regium. Ne quis igitur
 profanus, aut nefarius intersit. res enim
 plenas mysterij narrare audemus. Ne quis
 impurus, nequis auditor indignus. Immo
 vero profanus, ac nefarius quiuis adsit, sed
 animi sordibus, sed malitia foris depositis,
 atq. abiectis tum demum ingrediatur, &
 accedat. Namq. sponsi pater illum fordi-
 dis, atq. obsoletis vestibus e cenaculo, ac
 nuptiali thalamo eiecit, non quod sordi-
 dis esset vestibus, sed quod illis vestibus
 introi-

introire est ausus. Nec enim dixit, quid tu
vestem non habes nuptialem? sed, quid tu
vestem non habens nuptialem, introire ta-
men ausus es? In triuiis stans mendicare so-
lebas, neque me paupertatis puduit tuae,
nec indignitatem fastidiui tuam. sed abie-
ctissimo te, ac vilissimo vitae generi exi-
mens sacrum in thalamum induxi, regiis
epulis dignatus sum, teq. honoris causa
superiorem ad locum vocavi extremo po-
tius dignum supplicio. Quibus tu benefi-
ciis nihilo melior factus, prauos illos tuos
veteres mores retines. probro nuptias ad-
fecisti, probro spensum. I nunc igitur, ta-
liq. tuo stupore dignum pende suppliciū.
Caueto autem quisq. nostrum, ne eiusmodi
quoq. vocem audiat. omnis vero spiri-
tuali doctrina indignas cogitationes animo
pellat, atq. abiciat. itaq. sacrae mensae par-
ticeps esto. Et factum est, inquit, anno quo
mortuus est Ozias rex, vidi dominum se-
dentem super solium excelsum, & eleua-
tum. Qui viderit, nescio, vidisse quidem se
dixit. Quo vero id modo, reticuit. Quae
dicit, accipio, quae reticet, curiose non in-
dago. euoluta considero, inuoluta non
exquiro, quae ne exquirantur, propterea
nimi-

Esai. 6.

Prou. 22.

nimirum sunt inuoluta. Velum omnino aureum est scripturarum ipsa explicatio. stamen aureum. tela aurea. Non ego araneorum contexo telas. Ingenium meum quam sit exiguum, noui. Ne transgrediaris, inquit, terminos aeternos, quos posuerunt patres tui. Terminos mouere nullo modo tutum. Et quos Deus ipse terminos pepigit, ego transferam? Vin tu autem scire, quomodo Deum uiderit? sis etiam ipse propheta. At qui possum, inquis, cui vxor, & educatio liberorum curae est? Tu vero potes, velis modo. Etenim propheta & vxorem habuit, & duorum parens liberum fuit. nec horum omnium quidquam impedimento fuit. nec enim a caelo peregrinanti, eoq. tendenti coniugium vlllo modo impedimento est. alioqui ipsa nobis mulier tamquam in insidiis futura esset, neq. iam tum cum mulierem fingeret Deus, eam vocasset adiutorium. Sed nos quid esset. Deum sedere, explicare volebamus. Minimè vero sedet Deus. hic enim corporis habitus est. numen vero ipsum experts omnino est corporis. Volebamus etiam quod Dei esset solium, dicere. cum folio aliquo Deus contineri non possit.

nec

Gen. 1.

nec enim loco circumscribi, numen po-
teit. Sed vereor, ne differendis rebus his
inmoratus promissum, debitumq; traham
longius, qui omnis vos ad ipsa cognosce-
da Seraphim, nec id quidem hodierno tan-
tum, sed hesterno iam intentos dic, at-
que inhiantis animaduerto. Quamob-
rem quasi confertam aliquam hominum
multitudinem, vestrorum quoq; sensuum
frequentiam magno impetu inrumpens
oratio ad illam scilicet enarrationem, co-
gnitionemq; festinat. Et Seraphim sta-
bant in circuitu eius. En Seraphim vobis,
quae tanto opere concupistis omnes aspi-
cere. spectate igitur, animumq; expleto-
te, sed nullo interim strepitu, nullo tu-
multu, nec animis festinantibus, quod fe-
re ad regios aditus accidit. Et quidem
illic nulla spectantium culpa hoc accidit.
nec enim spectantium oculos regia curat,
aut moratur custodia, quae priusquam
probe cerni omnia, perspicique possint,
multitudinem praeterire cogit. Contra
hoc loco spectandi studium sistit, ac mo-
ratur oratio, donec, quo ad licet, omnia
proponat, atque percurrat. Et Seraphim
stabant in circuitu eius. Ante naturae di-

Esai. 6.

B gnita:

gnitatem, eam quam loci propinquitas
adfert, edocuit. Nam non cuiusmodi es-
sent ipsa Seraphim, sed ubi consisterent,
dixit. quippe hoc est illo dignius. Illarum
enim potestatum magnitudinem nihil ae-
que declarat, ac propinquitas ipsa consi-
stendi ad solium regium. Sic regis custodia
claram in primis ducimus, quae regij cur-
rus iugo propius ordinē ducit. Quo enim
potestatum illarum quaeq. solio propior
est, eo est etiam inlustrior. Quamobrem
propheta naturae dignitate praeterita, lo-
ci, primiq. confessus auctoritatem potius
nobis edisserit. Nimirum intellexit men-
tium illarum summum hunc esse orna-
tum, hanc eximiam pulchritudinem,
hanc gloriam, hunc honorem, deniq. om-
nem securitatem in eo positam esse, quod
solum circumdant. Id quod in Angelis
quoq. cernere est. Quorum amplitudi-
nem Christus demonstrare cum veller,
non quod essent Angeli, dixit, sed silentio
texit. verum dixit, Quoniam Angeli eo-
rum semper vident faciem patris mei, qui
in caelis est. Vt enim illic Angelica digni-
tate longe maius est faciem patris aspice-
re, sic ipsorum Seraphim dignitate omni-
no ma-

Math. 18.

no maius est solium Dei circumstiteret
 eumq. in medio positum circumfundit.
 Quam tu profecto magnitudinem, si qui-
 dem velis, etiam consequi possis. Nec e-
 nim ipsorum Seraphim tantum in medio
 est, sed nostrum quoque medius, si veli-
 mus, etiam steterit. vbi enim sunt duo vel
 tres congregati in nomine meo, ibi sum
 in medio eorum. Et, Iuxta est dominus iis,
 qui tribulato sunt corde, & humilis spiri-
 tu saluabit. Clamat propterea Paulus,
 Quae sursum sunt sapite, vbi Christus
 est in dextera Dei sedens. Animaduertis
 vtrique quomodo nos inter ipsa conlo-
 cans Seraphim regale ad solium propius
 adduxit. Ait deinde. Sex alae vni, & sex
 alae vni. Quid autem nobis ipsae signifi-
 cant alae? Nimirum altum, sublime, leue,
 agile, ac velox illud proprium naturae il-
 lius. Propterea Gabriel etiam descendit
 alatus, non quod experti corporis illi na-
 turae villae scilicet insint alae, sed vt intel-
 legeret propheta excelsissimis e locis il-
 lum delapsus, & quibus interim supra re-
 liotis studiis venerit. At quid ipse sibi vult
 numerus alarum? Hic vero nihil necesse
 est nostram adhibere interpretationem.

Ibidem.

Psal. 33.

Col. 3.

Isai. 6.

Dan. 9.

Namq. omnem dubitationem verba ipsa
facile sustulerunt. alarum nobis vsu de-
monstrato. Duabus enim, inquit, volabant
facies suas, quasi duplici saepimento vul-
tus communirent illa e gloria promican-
tem fulgorem minime ferentia. eadem
quoq. de causa pedes contegentia, more
hominum etiam ingenti trepidatione cor-
pus vndiq. contrahentium. Quid dico
corpus, cum animus ipse tali commotio-
ne suas quoq. functiones a summo reuo-
cans contrahit, & altissimum intimumq.
ad locum refugiens, quasi vallo quodam se
se corpore ipso circumdat, atq. commu-
nit? Neq. vero commotionis, ac percul-
sionis nomen audiens triste aliquid ac
molestum accidisse putes. Etenim com-
motio eiusmodi mira quadam, nec expli-
cabili voluptate conditur, ac temperatur.
Duabus, inquit, volabant. Hoc vero est,
ea quae superna sunt, semper adpetere,
nec vmquam cituma haec despicere. Et
clamabant alter ad alterum, sanctus, san-
ctus, sanctus. Hic ipse clamor rursus mi-
raculi quoq. magnum est argumentum.
nec enim leuiter laudant, sed cum clamo-
re valido, nec cum clamore tantum, sed
perpe-

perpetuo continentiq. clamore. Namq.
inlustria corpora, si quidem sic, vt excel-
lant, splendeant, pro tempore oculorum.
praestringunt aciem, at vbi spectans iden-
tidem adlueueris, ipsa nimirum consuetu-
dine esse miraculum desit. sic regiam
imaginem recens propositam laetis vtiq.
radiantem coloribus intuentes commo-
uemur, non item vno atq. altero post
die. Quid imaginem dixi regiam, cum
de solis ipsius radiis, quibus nullum
omnino corpus est inlustrius, idem vere
liceat dicere? Ergo inlustris corporis cu-
iuscumq. speciem minus admirandam
consuetudo facit. non item gloriae Dei.
longe enim aliter euenit. cui vtiq. inspe-
ctandae quo diutius illae inmorantur po-
testates, eo commouentur vehementius,
ipsumq. augetur miraculum. Itaq. ex quo
gloriam illam aspicere coeperunt, semper
commotae clamorem numquam inter-
miserunt. & quod ipsi breuissimo tem-
pore, cum fulgur emicuit, oculis nostris
accidisse sentimus, id illa perpetuo, ac si-
ne intermissione sentiunt, nec sine volup-
tate tamen miraculo commouentur. Nec
clamauerunt tantum, sed inter se inuicem
etiam

etiam clamauerunt. quod est admirandae
continentisq; commotionis indicium.
Namq; ipsi vel cum tonitru rupit, atq;
disiluit, vel terra mouit, non resiliimus
modo etiam clamantes, sed alij quoq; ad
alios ipsis in domibus subterfugimus. id
quod ipsa etiam faciunt Seraphim, ac
propterea alter ad alterum clamauere,
sanctus, sanctus, sanctus. Hanc utiq; vo-
cem agnoscitis. ipsorum Seraphim vox,
eadem quoq; vestra vox est. Vestra in-
quam, vox est per **I E S U M** Christum,
qui parietem medium sustulit reconci-
lians ea quae in caelo, & quae in terra. qui
fecit vtraque vnum. Hic enim in caelo
primum dictus est hymnus. postea vero
quam terris insistere dignatus est, hoc no-
bis quoq; suauissimum carmen attulit.
Quamobrem magnus hic sacerdos po-
steaquam sacram hanc ad mensam adsti-
tit rationabilem cultum deferens, incru-
entumq; offerens sacrificium, non simpli-
citer nos ad benedicendum vocat, sed ip-
sa praefatus Cherubim, praefatus Sera-
phim, omnis deinde iubet plenam horro-
ris vocem mittere. Chori nimirum socij,
ac nobiscum pariter concinentis memo-

ria mentes nostras a rerum terrenarum
cogitatione auocare studens, atq. abdu-
cere, cuiq. nostrum tamquam inclamat his
propemodum vocibus. Qui ipsis cum Se-
raphim vna concinis; ipsis quoq. cum Se-
raphim adsta, cum Seraphim alas explica,
cum Seraphim solum regium circumuo-
la. Quid autem mirum cum Seraphim sta-
re te, cuius, quae Seraphim manibus adtin-
gere non sunt ausa, manibus tractaturo
audacter dederit Deus. Missum est enim,
inquit, ad me vnum de Seraphim, & habe-
bat carbonem ignis; quem forcipe cepit
ex altari. Altare illud, huius nimirum alta-
ris, vt ignis quoq. spiritalis huius, ignis ille
figura fuit atq. imago. Sed ipsa Seraphim
manibus nequaquam sunt ausa continge-
re, tu haec manibus capis. Quod si propo-
sitorum dignitatem spectes, etiam ipso-
rum Seraphim attactus est prorsus indi-
gnus. sin autem Dei benignitatem consi-
deres, nostram abiectissimam quoq. ad
condicionem se se demittere proposito-
rum gratia non veretur. Haec tu si tecum
reputes, doniq. ipsius magnitudinem co-
gites, stes vtiq. animo, terrenaeq. seruitu-
tis iugum liberis cervicibus excutias, ad
caelum

Esai. 6.

caelum conscendas. Sed trahit, inquis, corpus, ac deorsum impellit. At ipsa subuehant, eleuantq. ieiunia, quorum beneficio animae leues alae. fiunt, sit licet ipsum corpus quantouis plumbo grauius. sed ipse de ieiunio sermo tantisper interim expectet, ac differatur. ille vero de mysteriis inducatur, cuius etiam causa sunt instituta ieiunia. Nam quemadmodum ludis Olympicis certantium finis est corona, sic ieiunij quoq. finis est pura communio. Quod nisi sit, ac per hosce dies vitam puriter non agimus, frustra nos utique plangimus. Namq. sine corona, sine praemio e ieiunij harena discedemus. Idcirco maiores nostri ieiunij quasi stadium longius esse voluerunt, hoc paenitentiae praeficientes tempus, uti puri, & quasi medicamento aliquo expurgati accedamus. Idcirco etiam ipse ex hoc loco iam nunc clara voce declamo, testificor, rogo, obsecro, ne quis vlla inquinatus macula, ne quis sibi maleconsciis sacram ad mensam adeat. nec enim adsessio illa, vel communio sit, si vel milliens sacrum illud corpus prehendat, sed sit illa potius damnatio, atq. punictio, sit etiam cruciatus accessio. Ne quis igitur

igitur peccator adeat. Sed corrigam me,
non, inquam, nemo peccator adeat, sic
enim me primum omnium diuina mensa
prohibeo, verum nemo manens adhuc
peccator adeat. Propterea iam nunc etiam
moneo, nequem cenae regiae illius tem-
pus opprimat, cumq. vespertinum illud
sanctum iam aderit, fortasse dicat, inpa-
ratus ac destitutus ingressus sum, haec di-
cta pridem oportuit. Namq. si audissem
prius, mutassem utiq. me, ac penitus ex-
purgatus introissem. Ne quis igitur haec
causari possit, iam nunc praedico, testifi-
cor, hortor multam agere paenitentiam.
Neq. vero nescio nostrum vnumquemq.
reprehensioni esse obnoxium, neq. puri-
tate cordis aliquem posse gloriari, sed non
hoc tam molestum, ac graue, puro corde
non esse, quam ad eum qui purum cor fa-
cere possit, non adire. potest enim, si ve-
lit, ac puros fieri nos, multo quam nos
ipsi, profecto mauult. Sed ansam dum si-
bi nos aliquam demus, expectat. Quis au-
tem, quam publicanus peccator magis? Sed
idem simul illud tantummodo dixit, Pro-
pitius esto mihi peccatori, multo quam
Pharisaeus iustificatus magis descendit.

Luc. 18.

C Quam

Quam vero vim illa vox habuit. Sed nec
illud vox ea mundauit, sed animi ipsius
adfectio, & quae vocem expressit illam,
inductio. Sed neq. sola haec etiā, sed hac
prior ipsa Dei benignitas. Quantula vero
haec virtus, quantulus sudor, ac labos, se
vt esse peccatorem sibi quis persuadeat,
ac talem se apud Deum profitentem illud
quoq. ipsum dicere. Iamne vides igitur
quam non temere illud dixerim, ansam a
nobis aliquam dari sibi Deum velle dum-
taxat, largiturum postea quidquid saluti
nostrae conferat, atq. conducat. Agamus
igitur paenitentiam, ploremus, lamente-
mur. Filiam saepe aliquis cum amiserit,
maximam vitae suae partem in luctu, la-
mentisq. consumit. Et nos amissa anima
ipsa nequaquam dolemus. de salute deci-
dimus, neq. plangimus? Sed quid animam,
quid salutem dico? Dominum aequissimū
ac mansuetissimum incendimus, atq. exa-
cerbauimus, neq. nos ipsos alte infodi-
mus. Ille vero non domini solliciti de suis,
sed patris amantissimi; sed matris indul-
gentissimae amores omnis ipsa nostri cu-
ra longe etiam superat. Numquid obliuif-
cetur, inquit, mulier infantem suum, aut
oblita

oblita non miserebitur fetus vteri sui? & si
oblita fuerit mulier, ego tamen non obli-
uiscar, ait dominus. Fidelis omnino, etiam
antequam res ipsa arguat, sententia. Dei
est enim ipse. Verumenimvero adhibi-
tis exemplis idem comprobemus. Olim
Rebecca filium iubens ea, quae ad benedi-
ctionum furta pertinet, vti simulatione, cū
pulchre vndiq. ornato personam fratris
induisset, ac ne sic quidem satis audere
puerum animaduerneret, omnemq. eius
metum vellet abstergere, super me, inquit,
fili maledictio tua. Matris omnino illa fla-
grantis amore filij vox. Christus autem nō
id dixit modo, sed etiam fecit. neq. dicto
contentus, id quoq. ipsum fuit. Clamat
Paulus verbis illis, Christus nos redemit
de maledicto legis, factus pro nobis male-
dictum. Et hunc nos laedimus, atq. exacer-
bamus? An non hoc ipsa gehenna gra-
uius, non verme illo numquam moriente,
non igni aeterno, atq. inextinguibili? Adi-
turus igitur sacram ad mensam dominum
illic praesentem adesse cogita. Adest enim
omnino cuiusq. sensus inspiciens, atq. co-
gnoscens, siue quis ea, qua decet, sanctifi-
catione, siue male sibi conscius in expurga-

Gen. 19.

Gal. 10.

Esai. 66.

ris sordibus, ac sceleratis factis adhuc inquinatus accedit. Eiusmodi vero aliquem nactus, conscientiae foro tum primum quidem tradit, quem si cogitationibus ipsum suis conscientia verberarit, melioremq. reddiderit, iterum recipit. Sin autē nescit quidem corrigitur, idemq. perstat sui similis, tum vero suis illum ingratum, nihilq. sentientem manibus tradi iubet.

Heb. 10. Horrendum vero incidere in manus Dei viuentis. Haec, sat scio, acriter pungit oratio. Sed quid agam? nisi enim acria adhibentur medicamenta, minime sanentur, ac tollantur vulnera. Sin adhibentur, dolorem non fertis. Angustiae mihi sunt vndiq. Sed nos in posterum manus abstinemus. quae enim iam dicta sunt, ad ea quidem adtendentibus satis sunt. Verum ut vobis ea, ac per vos aliis vsui esse possint, age rursus eadem colligamus. De Seraphim diximus, & cuius demum dignitatis sit regium solium proxime consistere. quam dignitatem hominibus quoq. consequi licet, de alis, deq. ipsius Dei, quae adiri non potest, potestate, seq. ut ad nos etiam demiserit. Addidimus ad haec clamoris, iugisq. miraculi causam, utq. illo in spe.

21. 70

Heb. 10.

Dan. 13.

21. 70

21. 70

in spectaculo, perpetuaq. contemplatione
perpetua sit ipsorum Seraphim adclama-
tio. Commemorauimus praeterea vobis
in cuius societatem chori venimus, qui-
buscum communem dominum celebra-
uimus. verba de paenitentia fecimus, ac
postremo quantum mali in eo sit, si quis
sibi maleconscijs adest. ausum adire ne-
quaquam posse effugere. Haec a marito
discat vxor, a patre filius, a domino seruus,
a vicino vicinus, ab amico amicus. Immo
vero hostibus quoq. nostris eadem prae-
dicemus, quorum rationibus, salutiq.
consulere etiam debemus. Nam si iumen-
ta eorum, cum ceciderint, tollere, cum de-
errauerint, seruare, ac reducere iubemur,
animam errantem multo profecto magis
reuocare, ac reducere, lapsam erigere cō-
uenit. Quae quidē omnia si pro se quisq.

praestemus in proximos, fidenter

vtiq. stare licebit ante tribunal

Christi. Cum quo patri gloria,

honor, & imperium simul cū

spiritu sancto nunc, &

semper, & in saecu-

la saeculorum.

Amen.







758



